

## **OBAVJEŠTENJE KORISNICIMA SREDSTAVA FONDACIJE ZA MUZIČKE, SCENSKE I LIKOVNE UMJETNOSTI**

Poštovani korisnici,

Obavještavamo vas da je Upravni odbor Fondacije za muzičke, scenske i likovne umjetnosti, na sjednici održanoj 15.04.2026. godine, donio Odluku o poništenju Konkursa/Natječaja za izbor korisnika sredstava za programe, projekte i manifestacije, te otkup likovnih djela za 2025. godinu, koji je bio objavljen 31.12.2025. godine.

Razlozi poništenja konkursa/natječaja su zasnovani na činjenici da su naknadnom detaljnom analizom utvrđene značajne manjkavost i neusklađenost konkursne/natječajne dokumentacije s važećim propisima, uključujući Odluku Vlade Federacije BiH o utrošku sredstava i obvezujuće Smjernice o minimalnim standardima dodjele budžetskih/proračunskih sredstava.

Upravni odbor posebno naglašava da je poništenje konkursa/natječaja bilo nužno, kako bi se pored zaštite interesa Fondacije zaštitili i korisnici sredstava Fondacije, obzirom da bi nastavak konkursne/natječajne procedure pod trenutnim uvjetima rezultirao u konačnici nenamjenskim utroškom sredstava, što bi za pravnu posljedicu imalo obvezu povrata dodijeljenih finansijskih sredstava od strane korisnika, čime bi se stvorile značajne proceduralne, pravne i finansijske poteškoće kako za korisnike sredstava tako i za Fondaciju.

Pored navedenog, obavještavamo cijenjene korisnike sredstava Fondacije da Upravni odbor Fondacije poduzima sve potrebne radnje kako bi se, u suradnji sa Federalnim ministarstvom kulture i sporta – Federalnim ministarstvom kulture i športa i uz suglasnost Vlade F BiH, osigurali uvjeti za raspisivanje novog konkursa/natječaja u 2026. za dodjelu sredstava Fondacije za programe, projekte i manifestacije, te otkup likovnih djela za 2025. godinu, čime bi se omogućila nesmetana realizacija namjenskih sredstava namijenjenih za programe, projekte i manifestacije, te otkup likovnih djela uz potpunu pravnu sigurnost za sve korisnike.

Prednje navedeno neće imati utjecaja na realizaciju redovnog Programa utroška sredstava koji se planira za programe, projekte, manifestacije i otkup umjetničkih djela za 2026. godinu, obzirom da Fondacija u 2026. godini planira objaviti i konkurs/natječaj za izbor korisnika sredstava za programe, projekte i manifestacije, te otkup likovnih djela za 2026. godinu.

Zahvaljujemo cijenjenim korisnicima sredstava Fondacije na razumijevanju i strpljenju dok radimo na otklanjanju pravnih, administrativnih i finansijskih prepreka u cilju transparentne i zakonite dodjele sredstava.

**Upravni odbor Fondacije**

---